

**2021**  
**SÜMI (SÜ TSAH)**

Total marks : 80

Time : 3 hours

**General instructions:**

- i) *Approximately 15 minutes is allotted to read the question paper and revise the answers.*
  - ii) *The question paper consists of 22 main questions. All questions are compulsory.*
  - iii) *Marks are indicated against each question.*
  - iv) *Internal choice has been provided in some questions.*
- N.B:** *Check that all pages of the question paper is complete as indicated on the top left side.*

**KOKÜPPHA– A (Akipphi)**

1. **Hi aqhou yehpuakeu akivishi phino iniji akeu khochile lo:**

Ghulo lakhi aphuh lakhi Litsapa ighi. Pa no aju pekilipe alhoküsa shiveno aphi kümtsü apiyi pusüsü. Aphuh tiapu lo timiqo vilo pa sasü lopi iniju süsü ighi. Timiqo no pa jupe aphimüqhü khiu nomu pasasü move. Ashekhalo pa no ilimi kini achekeu alo ighi no pa sasü nima pi iniju, “Anga nokujo ta apuh sasü nima?” Ipuh ghi no no kiu chumo kethono ighilo. Nokujo achuqu ye Ino puchenike amllo imekvilo.

Anga no alih puku azü lesüve kemtsa Litsapa no pa uloba lono athikishi jojoshi alilo kunhusü tsüno ana be auvepe. Eno akulholi ghi puku kithishi pa no aunhe ngo akhonhe lono ashi leqhi kukhuqhi sutsü no alibe shive no chuluve.

Li pama no chi akeu lu cheghi kiche pe pa piye eno pa no pama vilo aluh lono ipeghi keu kiumu aghau qhi keveno lukütsü pe akilo ighilopive. Kuchou no tipaqo pukütsü luve kelo pe akilo ighilopive. Kuchou no tipaqo pukütsü luve kelo thwokha axa asuh qono nibonileyi luve. Li pama astünipu ye Litsapa sasulu keu vechewo kini kulu shi xulu.

Pama astünipuno axa lukutsülu khakemtsa Litsapa itaghi apu tipaulo ighi, pano ighi kemtsa aphulo ale khijehi anikeno ti kümtsü xujuveno anga pama kilo ighi. Pano pama vilo anga nokujoye aghalo ahengu lakhimu qhimonono akilo phuighi khave kema pi iniju. Afo no Iye, kümtsu puighi khave pi khochileve. Ikemu Litsapa no itaghi nokujoye tsaqüiyi kümsüjulo pi. Aitiuni numghe ghi tipü, ino ahengu amushuthi lakhi akho mishikütüye ifo züküsüno alaphelo ikhiqhiveke. Tilehino Litsapa no pama vilo mütazü huno ti süghivelopi pive. Pamano tighi süwo ale lo süve. Ahengu amushuthi alelo vesü kütükhau huno ni atükü ipi bo mpave. Tishike mtsa ashe ashelo shi ni aghicho, ni mathape, ni tishoghi ipi boboshi mpapho ipeghipuno athi ilhouvepu ale chitoive. Eno athiuye pama astünipu ghi kinimi shiueve. Tighenguno ishi atükü thino aghi jeli kümtsülo acheni pi. Pama ye müghakeu shilu.

- |                                      |          |
|--------------------------------------|----------|
| (a) Aphu lo khu ighi kea?            | <b>1</b> |
| (b) Pa ye paju kiu toi shino wu kea? | <b>1</b> |

- (c) Timiqo ye pa ju pe kishi ve kea? 1  
(d) Timiqo ye pa sasülu kema? 1  
(e) Ayiliu pama kishi pavilo pino pa sasü kea? 2  
(f) Athikishi eno ashi ye khilau no süghi kea? 2  
(g) i) Litsapa kiqu ye kiu kea? 1+1=2  
ii) Apiyi kupumi sasü lu keu lo kiu ala shilu kea?

**KOKÜPHA – B (Akiyye)**

2. **Hiküma dolo lakhi yelo atsathi 100-150 lono:**

- a. No ye Vili/Vito jelono Principal lau nokiphi kilo aküba-apujo ki shikithe (repair) shitsülopi qhü inju ghi yelo.  
**Momu 6**
- b. Atsapi kiye (speech writing) shikükami vechewo ayeghiqha lo akikili süghi cheni. Shikükami tsala lo ghenguno yeh lo.

3. **Lakhi likhi yelo atsathi 50 dolono:**

- a. Yekhülha (advertisement) lakhi lono no no kaku kijeki khaqhi akeu lo kaku jeli akithe kutomo amekümla (discount) lono jetsü akeu lo ighino qhülopi yehlo. A-ah eno ow haibo (mobile) ghi sü no yehlo.  
**Momu 4**
- b. Pithitsa (notice) lono no ye Ato/Atoli yekala 11 lo phi ani. No'w kiphikighiliqa (school ground) lono O kiphi kaku pühave keu pithitsa lono kishekulu yeh lo.

**KOKÜPHA – C (Tsayeh eno Pekibide)**

4. **Atsajoh kümsa lo thizungo achipi pe shipichi tsülo:**

- (a) Pa ye aluh lo kuhumi \_\_\_\_\_ akilo ighivea. 1  
(b) Ghu ake loye \_\_\_\_\_ ipekepu kumo. 1  
(c) Ningü ye Alhou \_\_\_\_\_ ighie. 1  
(d) Akukau ye Vito \_\_\_\_\_ izüwvea. 1

5. **Hipaço ye kiu tsahjoh kikije keno alaxa tsülo:**

- (a) No ye khile acheni kea? 1  
(b) Akükütsümi ye gihu kepu ani. 1  
(c) Hila ighilo. 1  
(d) O kiphi okiyelo tokulu shilu peniu. 1

6. **Sülekutho hipaço kiqu yehlo:**

- (a) Tunhaqu küküla. 1  
(b) Awu kimiye toi. 1  
(c) Amüghüsü. 1  
(d) Aneno sho. 1

7. **Sümi tsahlo pebide süvelo:** **3**  
 Honesty implies being truthful. Honesty means to develop a practice of speaking truth throughout life. A person who practices honesty in his/her life possess strong moral character. Honest people are sincere, trustworthy and loyal.

**KOKÜPHA – D**  
**Tsaiko Küghakiche**

8. Nagamiqo inahuu ye khilau no ighi kea? **1**
9. Amüghüsü ye anupau vilo kiu mijetsü kea? **2**
10. Kuu ghenguno Tuku chineh ye mlalei eno Sü chineh ye shove kea? **2**
11. Atianuli kibo shirtsü kelo kiu tinhemügha jeli pesü ame pimeche kea? **3**
12. Ighanumi phu shive kethiu aphu kütü shilu keqo je yehlo. **3**
13. Akibo shiluve kethiu pama akimi-anipu ye kiu toi keu kilo paghi ngono kiu kükü eno kiu toi keu shiniye pükapütsa che kea? **4**
- 14.a. Lapuu eno Awou pama kümla ghili kishékulu shi yehlo. **5**

**Momu**

- b. *Kughengu okujo ye I kümsümave püzü akinniküa kimiyeye nani. Eno tilehi no amheqive nani. "I vilo inju mono kiumu shikevilo." Ike apuh tile 'Sümesuza' Tuqutime kije ighi eno pama ki ghi pitive. Amüghüsü no pikeu kümsümave.*
- (i) Khuu pama ye khuu kümsümave kea? **(1)**
- (ii) Pama akimi-anipu ye kuu kimiyeye wuve kea? **(1)**
- (iii) Pa no phulo kiu ipeghe ve kea? **(1)**
- (iv) Pama no pano pikeu shimove keu ghenguno ku sholuve kea? **(2)**

**Leshe**

15. Khuu no avi pime khuu no amishi pime kea? **1**
16. Qhethapu nipu eno panuliuqo ye kushike lono thive kea? **2**
17. Khunolike le lo apuu eno ayiliu pama ye khilawu cheke lono kuu shive kea? **3**
18. "Iphi lhaqhi inami shosah ye O hoishe! Ipuh ojekipi huno." Khuu no leshe lono kuu pi ani kea? **4**
- 19.a. "O Kusakusho alokumkami huni kusakusho mullokinimiye." Kushiye ale hipau shi kea? Kiu sholuno leshe hipau shi kea? Khuu no leshe lo ani kea? **2+2+1=5**

**Momu**

- b.** Khuu no leshe lono kushiye pi ani kea? “Nikujo ye anhezu qi mullo cheni pinamu no ki lo wuye kũha ni wono.” (2+3=5)

**Lotsũh Kiye**

- 20. Khuu pama azũkũtũtũ chekelo kuu lo ilove kea? Pama je yehlo. **1+1=2**
- 21. Khristou kũsau khuu pama no pa hasũsũ hughi kea? Khuu no pa gholo chewu vekea? Pama je pitsũlo. **1+1+1=3**
- 22.a. Pa no pa pekimishi ghenguno pa mloghime shive kelo pa nipu anuliqo ye kishive kea? Pa tsah pũlũ kema? Pa nipu anuliqo ye kishi pa peitha kea? **1+2+2=5**

**Momu**

- b.** *Hikithipu mloghime xapusũ kiu shi achekea? Timi huno khochile, “Niye khilau wukepu keno mũthake ghenguno ke.” Tilenno Tsavipeu no ashiyikono shikeu likũkũzũ pa tsũ eno tile atsa hitoi yepua. “Amlo kighide ighinikua lono pokhalulo.” Ni ye khikũdau powu kepu kea?*
  - (i) “Hikithipu muloghime xapusũ kuu shi ache kea?” Khu no pi ani kea? (1)
  - (ii) Timi huno khochile, “Ni ye khila wukepu keno mũtha ke.” Khuno khochile ani kea? (1)
  - (iii) “Ashiyiko no shikeu likũkũzũ patsũ.” Khuu no khuu tsũ kea? (2)
  - (iv) Ni ye khi kudau powu kepu kea? Khuu no pi ani kea? (1)

\*\*\*\*\*